

daß nicht woll heller zureden möglich.) Ihr Schatz vnd Thesaur-  
 cämmerlein/ nicht allein euch nit recludiern/ sondern noch darzu nicht  
 ohne sonderbahre Dffension mit Spott vnd Schand hindan  
 weisen. Du aber Gott liebender Bruder vnd Freund/ der du in  
 dem Titulo nicht sonders obscure genant worden / du sprich ich  
 wirst dich wissen deiner vielfältigen Experiens vnd Promission ge-  
 gen mir in ander weg zugebrauchē/ vnd will hiemit ich dieses Christ-  
 lauter Göttlich vnd Natur Politisch Speculum Sopicum dir/  
 als deren Sachen amatori & saluatori fideli dedicirt, zu engen  
 geschenckt vnd verehrt haben / vnd dieses zwar umb so viel desto  
 mehr / weil du annis iam duobus interiectis in vertrauwung  
 deiner sonderbaren Secreten / dich dero gestalt gegen mir vn-  
 würdigen erwiesen / daß ich selbiges ohne sonderbare verwunde-  
 rung vnd correspondierende Brüderliche wollgemeynete Affection  
 summer gedenccken mag. Tu enim o frater causam præbuiisti au-  
 scultationibus meis Pansopticis, tu viam monstrasti laboribus,  
 tu author, tu asylum cogitationum fuisti, es (ni fallor) & eris  
 in æuum: Vnd ob gleich das Theonische Ottergezicht solch vnser  
 glücklich eingegangene Freund vñ Brüderschaft / auff viler häd vn-  
 verhoffte weiß vnd mittel zu verhindern vermeyntlich sich vnder-  
 stehet / auch solches verfluchtes Intent / eusserlichem Ansehen nach  
 etlicher massen schon zu beliebendem weg gebracht / will ich doch  
 genzlichlicher vnd bester hoffnung geleben / es werde humanitas tua  
 sich dero hohen Verstand noch bester massen wissen zu accommo-  
 diern / vnd hierinnen aperto & candido animo meo mehr glau-  
 bens vnd vertrauens / als andern Zoilorum hochverdächtigen  
 calumnijs zustellen / geschicht das / soltu auff das nechst künfftig  
 Jahr was größers vnd ansehenlichers zugewarten haben / vnder  
 des kanstu mit gegenwertigem scripto, deine meynet wegen dir  
 bitirende gedanken contentiren / welches ich / wie obengemelt /  
 dir Freund Brüderlich wil verehrt haben / mit angehenckter bitt zu

A. iii. Gott